

## MB Inc agih kotak makanan kepada masyarakat Orang Asli

Perbadanan Menteri Besar Perak (MB Inc) menyumbangkan barangan keperluan makanan di perkampungan Orang Asli di Lenggong, Perak baru-baru ini.

Kampung terlibat ialah Kampung Sungai Karah membabitkan 18 penduduk, Kampung Takong (9), Kampung Air Bah 1 (41) dan Kampung Air Bah 2 membabitkan 25 penduduk.

Ketua Pegawai Eksekutif

MB Inc, Anuar Zainal Abidin berkata, MB Inc sebagai sebuah entiti korporat di bawah kerajaan negeri sedaya-upaya membantu golongan yang terkesan dengan Covid-19 melalui program tanggungjawab sosial korporat.

“Sebelum ini MB Inc telah menyumbangkan barangan sama kepada golongan sasaran di seluruh Perak termasuk beberapa buah kampung Orang Asli,” katanya.



**MAJLIS penyerahan sumbangan barangan keperluan makanan kepada masyarakat Orang Asli di Lenggong baru-baru ini.**